

擇

石

齋

持

集

擲石齋詩集卷第二十二

秀水錢載坤

庚辰

呂村

楊柳春郊路西師正凱旋

上

陵鴻祐答

勞帥盛饌宣侍從偕迎

輦村園近指鞭金霞山畔月一宿

杏花煙

上耕籍

御觀耕臺待直恭紀

三推禮既成高敞

面從耕咫尺承春煦從容領

玉清

是刻蒙部詩後

上表所進平定回諭已派會試同考

山光紅杏白郊色雨鳩晴仰識

勤民意和風綵袂生

聚奎堂後西房宿次

旭景當檐最近南高依槐榦葉猶含廣庭軟草閒行趁淨几

微香寂坐參感切

主恩頻歲及媿疎經術寸心諳恭聞磨勘應蒙宥持擇斤斤

尙勉堪

初八日晚雨

夕冷驀飄埃東風勢轉來首場歸號半偏省點名纔衣或真

沾綠心難似苗莠往經秋賦他聽溜與低徊

奉題總裁虞山相國用聚奎堂壁閒韻詩後卽和

韻明王圖詩  
音刻石嵌壁

程文妙義發清深粉壁還催灑墨臨陣陣柳縣風展幔喳喳  
鵲乳日烘林四章往復詞何婉三嘆低回韻欲沈悟到天人  
相合處可勝培覆總關心

奉和總裁少宗伯公用深字韻

四見狀元門下放兩陪夫子院中

臨丁丑公總裁職亦同考放榜前公  
臨有詩云三見門生是狀元蓋辛未

甲戌皆公  
總裁也

廿年覓舉逢榆塞

公雍正壬子舉京兆歲以是年副浙江榜已巳秋  
今庚山相國隨

帳六度邀知忝桂林

已巳木蘭歸蒙以經學薦庚午考取八旗教習王申舉京  
兆公為座主 廷試公充讀卷官又閱 朝考教習庶

常歲以  
次及列

立近紗帷鬚較白坐分硃卷漏休沈遭時未有平生學

援筆能忘夙夜心

奉題同考張庶子若澄為總裁大司寇仿王叔明  
秋堂講易圖卽和用深字韻

喻糜乞得研池深

同考例不用墨燕  
子從相國借試

黃鶴秋容與背臨江水平平

通澗水竹林短短夾蕉林何人兀坐千山靜有客忘言萬籟

沈莫是味經窩近在相看已引叩門心

春日偕朱明府

垣編修筠翁編修方綱朱編修蔡

元遊王氏園翁編修有詩

載和之而以務輟筆夏

日足成五首奉簡諸君

倦著城南屐相攜昨看花凌晨誰剝啄發詠自君家景物迴

思舊袞衣笑起斜似煩圖尺幅十里路非遐

難得泉流活而兼土阜高春陰鋪廣隰暖氣動平臯騁目宜

凭檻循行欲刺篙祇憐經舊旱枯卻百餘桃

柳弱省還翠山遙額半黃便令辜伴侶亦合費時光老筆烏

絲界柔情錦瑟旁舞來雙燕子太是著人忙

此際槐榆暗陰陰已覆樓思之吟自續渺矣眺誰收宿麥寒  
煙被新荷曉露抽彈騎馬去正復不須舟  
四月駸駸破千街浩浩晴倚檐雷晚作剪燭雨宵行車馬身  
何絆郊墟意儘萌小亭鳩語外倍覺夏山明  
上御太和殿傳臚侍直恭紀

丹宸寶香醕武成文化涵專書金柱右列秀玉階南  
主德年祈萬羣才策奏三唱聲高止遞旗采五雲參

送吳進士泰來歸蘇州

名聞七千詩乍見上春司卻爲探花使翻成折柳枝到家趨  
綵服開宴對山池簞仕元丹驟惟君樂更宜

飲王光祿鳴盛寓屋邀題其庭前合昏花成十二  
韻

光祿能招客幽情許賦詩一雙嘉樹在風日小堂宜葉密方  
交影花繁只吐絲涼同車葢蔽殷似馬纓垂漸向斜曛歛空  
將碧罽飾無憑或蠲忿有信太知時憶舊嘗看此來多爲訪  
師可憐勝拱把相對卽堦墀元年夏是屋爲涼向書居我桑師官水部俄  
驛事東瀛歲早晚造師見此兩樹初種已茂  
未白催吾鬢成陰到汝枝乍偕諸友醉何止廿年遲摘朶還  
收藥攢鬚漫書脂宜南坊裏句臭味忍差池  
上御勤政殿聽政侍直恭紀  
儉德

先皇建勤思

至聖承淵淵無逸作肅肅有常徵柳上風微動荷時露早澄  
睿懷清且謐出與萬幾應

送孫進士維龍之令安徽一首

便別學堂行俄看主縣城宜民皆我事酌古卽今情皓月三  
秋迴長江萬里清到來敦所力莫漫企聲名  
占籍宛平久外家居竝僑先公細忠烈故壘在餘姚進官年  
真壯還鄉路豈遙何時聞渡湘行矣馬蕭蕭

題南岳藤杖

壽嶽之陽赤帝居道人馴贈冰雪餘持歸隔歲親剔除中若  
精鐵外瑤琨紀在

萬壽月吉初欲銘而詩復自書願以扶老隨所如梅花修竹  
東海廬出爲我船亦爲興有山可眺偕徐徐何必直上崑崙  
墟

題秋碧堂法帖卽用冊中顏魯公書竹山連句韻

故相國真定梁公家石刻公曾孫秀才用梅拓以見贈中若蘭亭請蹟今  
已收入 御定三希堂寶刻其他刻於人間本者亦多有獨顏公竹山



連句一帖風未之  
見因用領成篇

滹沱河畔過未得問書堂卻枉貽家刻輪番識數行秋簾燈  
 炯炯破五雨浪浪妙迹新如昨多年晦始彰先墓南渡本後  
 及弁山陽名郡墨池大損齋家法長自宋高宗隆興黃庭經末  
起文敏寫常清淨經況停顏  
 氏蓋曾課郭邊桑招隱有千竹讀書凡幾霜茗攜鴻漸枕禪  
 竝皎公牀宦客參羣從風流長眾芳詩題高士表日短石軍  
 牆杜牧差輝映蘇髯又頡頏一時羅米蔡真贗辨王羊清暇  
 心猶見昇平歲不忘工閒紙輕揚石好屋深藏示我贏懷璧  
 邀君共汎觴高林候丹藥盛業繼青細且緩論游藝茲來定  
 舉鄉連句者十八人真卿處士陸羽前殿中侍御史黃潛李陽南梁照尉河東裴修推  
官會稽康造許事范陽湯清河釋皎然河南陸士修河南房靈蕭榮顏顏頤厚  
非草介洛陽丞趙郡李觀詹事司直河南房益河東柳淡宋推丞顏頤連上各一  
韻竹山招隱處潘子讀書堂顏公起韻萬卷皆成表千竿不作行處士接聯也

昇平詞十一章謹序

臣載誠懽誠忭稽首頓首上言乾隆己卯綏定西域今年庚辰二月凱旋大告成功八月恭遇我

皇上五十萬壽清寧協德時雨時暘穀登秋豐神人欣暢

皇帝萬壽萬福萬年蓋自天之下日仰覩國家氣象昭鴻

誠所謂至樂者矣夫金川平於己巳來年庚午適當

萬壽昌辰茲屆庚辰愷歌先播於春陽豐功上馨於

天

祖和樂普徹於寰瀛化澤并包乎萬域

昊穹皇皇

列祖穆穆洪佑我

聖人惟夙夜之勤自

御極逮今二十有五年總

乾綱於一心息息無敢康惟

聖德大孝大仁大知大勇大文德峻功巍猶謙尊時若弗克承以格以

鑒用增於麻符丕廓茲廣長踰十萬里之扶輿內外億生咸若以應候顯徵敬爲

皇帝壽

天

祖心符用丕肇成我庚辰景運顧惟

淵衷恭儉詔內外臣工暨民閒敬循雍正五年

聖訓慎毋申祝嘏至矣哉

孝思深廣福基萬禩

叨恩珥筆恭際

慶辰謹齋心盥手撰昇平詞十有二章以獻

天永 清命集禧我

皇祇承

聖母綏我萬邦

通旁切

一我紀綱維

聖子有道維

聖母有慶顧而愉愉奉而翼翼維

慈福維

孝德德優優福縣縣曰來

慈壽萬年曰茲

聖壽萬年

右第一章十五句

孝子

親孝子

祖風夜祗若

曰予其克承

祐四海爲疆八山絡之永保民以生生我

列祖樂之日臨我

祖心日欽我

皇忱忱孔昭矣家孔寧矣洪佑德之馨矣

右第二章十三句

天篤我家彌馨于

皇準時以有常動靜敬將乃不敢以逸乃不敢以盈

乾德自強

天業之昌維

天有

聖子手我家以勤理既二十五年

天曰式綏繁祉式綏繁祉

右第三章十三句

宮庭清穆正家維嚴宏啓我子孫維

天

祖是監維臣民是覲

禮教是涵禮教允勅君子攸卽君子

之德德優優福縣縣

皇帝萬年子子孫孫至於萬年

右第四章十四句

敦我宗族勵我勲賢倣我大小臣維國力是宣維民澤是延  
罔或不然百職之綱

聖一心提之匪如提之實手總齊之去其所弊歸於有濟先

其所難俾後以安維  
皇萬歲太平于治官

右第五章十六句

元元之命繫我

皇心恤其室家

省方歲深以賑以蠲輒億萬其金必一夫罔不獲以保大於  
今歲之或潦矣 履問水而田歲之或曠矣

躬請雨于

天 惠雨之詞

天呼吸實鑒知愛民如我

皇萬福永禔

右第六章十六句

列祖

列宗德孚我寓

皇德既克承復式廓我土里闢二萬今與耕桑我鼓鼙鼙我  
旗泱泱我西師大凱庚辰春陽奉觴

壽康普洽萬邦

通旁維切

皇謙受謂

天子祐維臣民咸稽首曰

昊穹爲

皇帝壽

昊穹爲

皇帝壽春風宜蠶夏雨宜豆宜麥風纔宜稻雨又維大有年

右第七章十六句



萬國之富萬國之富

一人之祥太和蒸布隆隆洋洋日月星辰山川林麓維百神

咸稽首獻

壽敬登百穀

右第八章十五句

維

皇至聖維

皇至誠誠乎理必本情誠乎政必以行維守維創維底於昇

平仁無私矣義無欲矣體

天

祖

親以敬躬維健德以生福祿矣德之健矣誠於性矣福祿無

彌

皇至聖矣

右第九章十六句

維

皇大文維

皇大武

德光遠訖震雷以雨憫所覆幬皆爲我人必懲於

義乃勤於

仁武何以大

神斷以無外功何以成

妙算

以先聲維邃以精維迅以貞維

繼述

先志之誠丕廓我太平

右第十章十六句

維

皇大武維

皇大文

聖作歌詩春生綱緼中有高嶽長河上則景皇卿雲微析於  
物幽察於神文以經之武以緯之武旣成矣文以治之誕釐  
我臣誕保我民維儉維勤維  
皇謙尊維萬福永申

右第十一章十七句

維萬福永申自今以歲歲

天

祖篤之慶慶如庚辰維來辛歲

慈寧壽昌丕式播萬國光歲接以奉觴慶衍於

皇日華中天月之樹香丕式播萬國光維

慈壽無疆維

聖壽無疆

右第十二章十四句

觀李營邱寒林圖

叢樹半見根澗迴雪濺濺猶存孟津字爲誦華亭篇

幀上王文安題李成

寒林圖五字董文敏詩嘗云營邱李夫子山水天下師放筆寫寒林千金難易之

上萬壽詣

慈寧門率諸王公大臣行慶賀禮侍直恭紀

璇宮曉啓碧霄深鈞奏風清紫鳳音 至德巍巍

天子拜

純禧藹藹

聖人臨蟠桃樹美來年實金粟香舒我

佛心萬國昇平登百穀奉

歡始以壽觴斟

法源寺看菊

昨日缺登高燈前鬢獨搔不因詩簡喚那作佛廬遨插竹春  
盆益分畦夏枯槁工夫勤次第乃得悅吾曹

題秦學士大士種樹圖

齊民要術詳種樹上聲始愛樊須嘗學圃君今豈若宗元喻  
示我新圖方種樹去聲其時若子置若棄養人有道何煩寫  
春風一吹百卉萌閑裏亦念棲遲衡周公七月太經濟鴉鉏  
敢謂芳余情何人種松問東坡何年種柳自淵明種桃者誰  
梅則林種杏者董仙山青種槐則榮棗橘富梧櫨勿舍聞諸  
經悠悠君請擇種竹何妨付東宅桂食而伐漆用割以

苦其生又何惜十人植一人播所難使之天且喬一年穀十年木萬事誠如早相蓄

題秦學士柴門稻花圖

門前穠稻田屋北琅玕竹有水卽有船有童復有犢春耕必數脰秋收多幾斛長者顏何怡幼者氣相肅鳴梭戶內織把冊窻間讀豆登賴早豐宗黨以時睦江南此景常豈曰江南獨一家如是推九州萬國于焉同一族六卿宰相迄庶尹各職其職中外穆

聖人敬勤薦惟馨松柏之茂受百祿年年藉輦太平基只在稻花風露馥我今爲子歌我亦起而舞休養及昌辰敦龐自太古稻田兮稻田花香兮縣縣于家于國長如始所寶幽風七月篇

題汪博士棣後譚藝圖

往者把君詩清妙近昌穀茲焉示我圖見緒尚膺服杜老云  
多師豈惟放效夙性情所自抒流別元母逐秋風又報罷念  
子在寓屋庭階露已團簾戶月可掬敝衣亦知澣寒裯未能  
宿彌迴萬里心幾憊十年僕新篇更何如出步偕訪菊古道  
但探微遑從詹尹卜

聞祝嘉舉浙榜走筆奉簡其尊甫舍人四首

八上君雖得意遲外甥偕試外孫隨

康古孝廉舍子如漢舉已卯

秋高正憶駒

千里月滿俄傳夢一枝

因歲座主鄭公名藩川漢字

計日北裝行羈目連年南

信奉軒斜黃花未老猶堪插一引何妨盡百卮

一飲何妨盡百卮我今未醉卻先悲乳巢鶴返非無子漁所

蘭摧僅有兒

陳丈明經賢秀才諱

宛轉舊門祈歲稔迢遙餘慶倚天慈

熒燈火泔泔淚永念平生忍入詩

永念平生忍入詩高安宿草尚無兒

明府

千秋已覺空三歎

一引何妨盡百卮鏡裏梳粧休悅世筵前板拍要從時萬端

摒擋幕花樣且與春風錦肆宜

已辦春盤待卷帷祝汪三輩坐無辭

介子又為

憑天次第光相

照老我俳諧樂任為喚取兒郎擎客盞抱將孫子捋公髭此

緣固識尋常甚微倖貧交足話資

乾州甯氏

雅化今其浹淳風古是餘一門聞聚順八世見同居旌里光

宸什題堂有

御書漫云張鄭後孝義鮮能如

詠 德昌門外柳



金鋪靜映看瓊島  
略約平依遶液池  
愛是康熙年種得  
春來萬萬綠煙絲

上御紫光閣閱武舉騎射侍直恭紀四首

紫閣新恢制仍臨太液西  
僊臺南擁苑翠島北分堤楊柳

彫陰半葡萄葡萄蔓齊

聖人親試武冬曉集霜蹄

寶訓中鐫石

鴻文兩列圖華人降見受回部  
誠看俘御製平定回部告成太學碑東西秦書  
訓兩旁南向壁東恭書

玉埒御製平定回部告成太學碑東西前壁  
東恭書

晴雲照金輿采鳳扶執弓諸士候遶界一塵無

欄迴青旗展場寬畫鼓鳴絕倫誰又雋高第已先呈宋制武舉  
人射兩石

虎衛雄膺勅弓馬射九斗謂之絕倫唐六典兵  
部員外郎掌貢舉其高第奏聞

龍顏霽示程

上命御前侍衛駁議馳射以武觀

是中掄將帥所望憤歎名

技勇來朝進還蒙

覆閱過一心勤選矣二柄夙昭焉清切濡臺地雍容入凱年  
上林風景好遠塞早屯田

觀文待詔歸去來圖

一方七寸餘濃淡滿清氣小楷綴陶辭北牕涼髮鬢先生自跋云已亥秋

暑晚應弄筆

懷歸詩合裝克成所寶貴田居十幾年頗樂林泉味歷萬

戊寅仲子嘉猷云其後懷歸詩則庚子歲所書皆以贈顧君克來者時先生歸來已十四年

歐陽潁水思容易昇平慰鵲

煩戀君恩斯情亦云未

懷歸詩引云微明自發未入京即有歸志既而泰朝行不得即解通進二年故鄉之思往往托之吟詠而後

罷歸西滯潞河檢故稿得懷歸之作三十一篇別錄一冊以識余志昔歐公有思鄉詩亦自為集徵明于公雖非倭倫而其志則不殊也歐陽文忠鵲鵲詞云可憐此樂獨吾知嘗

戀君恩今白髮賢孫續跋三讒譏乃憂畏最後阻風時南還村泊魏鵬

鵠行不得杜宇催歸既文氏百年開令人增歔歔

文肅一跋于丙寅有林樾之中

月庚寅弋證蓋非復賢祖父戊寅庚子已亥可優游矣又曰余以四月下旬入官十月歸田助公歸已三年也一跋十已已舟次武城有丁卯首春禍已幾及語又云戊辰三銀徵書則公復出北上一跋于庚午仲秋阻風魏家灣云已已閏四月入都明年夏五思報主恩抗意謫列執政者乃借桐封以出蓋于七月九日出都計立朝又十有四月是為崇禎三年

冬至

上御太和殿受朝賀侍直恭紀

親拜

園丘大禮成上章鳴樂慶

慈寧太微

位正臚傳徹寢宇春回庶漢青歲值稱觴深介祉勲昭

入凱衆稽庭小臣柱右瞻長履跪捧茶甌挾袂馨

端範堂有題

旁築卻南向樹疎風更寒問名應判事兼職是階官炭釋衣

稜凍茶滋舌本乾徐徐方布武咏雀下檐端

磨勘試卷

舉到盈箱牘先休禁例違準繩釐始得玉石雜原非我  
聖崇科選羣公慎責歸所難言黜落豈獨念寒微

起居注館宿次

臘雪融初淨春風動漸香

後日廿九立春

門西先夕候

館列西廊和門南

殿右

厥明襄

誌旦祭

上視祝版臣僚常侍直

給

藹藹珠杓麗深深玉漏長紅燈頻

自照束帶正冠裳

韓石齋詩集卷第二十二

韓石齋詩集卷第二十三

秀水錢載坤

辛巳

上視

祈穀

祝版於

太和殿侍直恭紀

元日

齋心豫天田

寶位當春輝映樓雪喜氣發爐香中

正三辰泰平均四仲康靈符雖應

德祇望歲多穰欽天監奏辛巳元旦

午時日月合璧五星聯珠請宣付史館上諱論不行

燈花

井序

正月二十五日嘉興在朝諸公與會試諸君集於宣南坊屋  
酒半點燈蠟花蔕蕾若張葢然喜而賦之  
歲慶

天家壽春開 帝里觴自然和氣洽況及漏聲長照席明丹  
彩籠紗靜畫堂玉蟲先細綴寶蓋乃高張韋杜遊斯近枌榆  
誼勿忘華星應冠帶麗錦屬文章梅信元宵轉蘭心列坐將  
仰從

宸什繹御製有燈花詩待詔媿馮商

上御經筵於 文華殿侍直恭紀

寶殿晨開迓

聖臨緝熙建極道涵心殿中 御題額緝熙明德聯道脈相承經籍昭垂于聖緒心源若接美疇默契百王傳舜之

仁義從容合益以風雷奮發深是日進講孟子舜明於庶物察於人倫由仁義行非行仁義也易繼益動而巽日進

無跪奉 玉筵聆

至論立當丹柱省良箴春和正送宮城暖高閣輕雲展翠陰

上御乾清宮引

見殿試貢士十人侍直恭紀

人與卷同進才因身可甄軍資三輔後士氣一流先錫類

德欽

主昌文心卜

天自今鍾渾厚兩戒古山川

天佑助威大將軍歌

謹序

太宗文皇帝天聰五年春正月壬午紅衣大將軍礮成鑄曰  
天佑助威大將軍天聰五年孟春吉旦造督造官總兵官額  
駙佟養性監造官遊擊丁啓明備禦祝世蔭鑄匠王天相寶  
守位鐵匠劉計平先是未備火器造礮自此始其年征明久  
圍大凌河而功以成由

上肇用大將軍力也自後師行必攜之

臣載

充續文獻通考



纂修官得恭閱

五朝寶錄具徵是典作歌以述

發石以機始曰礮易之銅鐵銳火攻銅銃猶小鐵礮巨轟雷  
掣電神威洪天聰四年二月師凱旋

特詔鐵官範巨礮春正二日黃白青氣冲霄開出應興符偉  
抱事忠孝想當擊橐裝炭翊萬靈有非鳧臬鍛桃克承教其  
年卽奏凌河功維大將軍拜封號乃勝火人火積火輜火庫  
火墜五變之所籌又何況於楚昭象田單牛天戈四指紅衣  
行長驅蕩掃惟所令百年以來四海清泚泚大將軍安坐共  
太平殺機不發佑永貞忠孝之至贊好生

題張給諫聲年非圖

蘇公憶舊深偶然伯玉語君今四十三只少彭城侶古藤高

壓檐繁花香應序令弟況南來清觴同秉炬人生年復年去  
者渺何所但持現在心造物或相許黃門青鎖闥恩重職  
司鉅黽勉太平朝剛柔諧吐茹咄余非庖人乃自越其俎悠  
悠半百餘未識今是處

原心亭齋宿

薄靄連宵雨微涼滿院風槐花落還綴螢火碧生紅秋祭初  
陪位明衣倍惕衷仰惟

光

烈盛幸獲聽歌工

送蔣文恪公喪出朝陽門

積雨霽今朝翩翩素旄飄王畿山自遶官樹意難消逝水隨  
春急歸雲帶露遙他年來拜墓一駐尙湖橈

尊德會詩 并序

嘉善縣清風涇蔡封君秋澄所居堂曰尊德乾隆二十六年封君七十八歲同縣諸耆德以四月十日會於其堂戴典簿二蕉八十八歲程封君纘三八十七歲蔣長興學博準菴八十二歲顧光州牧虎仲八十一歲許閣學竹君七十三歲謝封君宸園六十八歲家博山令第五六十七歲曹明經六國六十三歲主客九人齒坐譚讌卽堂名名其會各賦詩載郡人也樂聞鄉之風敦禮教式後賢且今歲恭遇

慈寧萬壽七旬大慶海寓多

三朝長養身被國恩者歌詠優游洵足以佐太平景象爰用唐會昌五年七老詩體紀其事封君令嗣修撰藏同官屬寄奉堂上竝諸耆德時八月二十日也

五旬

聖壽祝庚辰辛巳

慈寧慶七旬萬福天邊長道泰一方海上早風淳團圓話入

粉榆社歛灩杯畱芍藥春三揖三終三讓禮杖鄉杖國杖朝

人句應胡吉盧張匹題或歐韓范富頻歐陽文忠公借觀五老圖即次五老各詩原韻以謝題後一

時升瞻諸賢髮元獻而下皆次韻以題即是會亦擬繪圖歷歷魏塘多致頌佳秋更約佩英新

夕月壇陪祀

禮數如

朝日秋分祭

夜明雲開經緯列露下舞歌成皓色三霄正澄輝萬國清西

郊禾已穰延望靜村聲

詹事府齋宿

九月廿八日

又過玉河東蕭蕭馬尾風庭寒千葉碧屋古一燈紅大祀冬  
方孟清齋夜正中被蒙思所報循步警微躬

主簿廳作

蘇州程童塾師名以舉舉年十八父住梅家橋其年六月母

袁病不瘳

一解

姊家橋南近舉避姊家割股肉以肉作湯進

母橋北

二解

七月八月九月十月十一月股創合稚弟九歲

告母知母驚呼舉哭奪視其臂宛轉釋他辭十二月母歿今

難追思

三解

舉年十五嫂聒翁析箸父析與舉百金使隨舅

賈去嘗買賣走浙江東西十九自武昌歸明年舅死舉失提

攜獨販酒三百甕薄荷六十擔斤江船搖搖病且達漢口薄

荷溼爛甕甕生菌無一氣氲棄歸父憐慰勸啗之傍家門

四解

奈何婦翁挈之入京教之爲傭從初役於我百不更中庭花

手所植

而史切

召臯鋤土見臯臂雨風九月晦齋宿主簿廳問

臯臯泣述母病臯泣不止語忍聆

五解

板橋

秋獮迎旋

蹕寒鴉望列村太行遮遠塞斜照隱高原燭炯茅檐短羹香

土銼昏蚤應趨道左無寐戒行軒

上御紫光閣閱武舉技勇侍直恭紀

仲冬太液濱武貢試重

親校藝弓刀石論才勇智仁旭高非勒柳冰薄欲升鱗寶

閣今年宴歌功

聖藻春

十一月癸丑

上恭閱加上

皇太后徽號

奏書於中和殿侍直恭紀

晨光初展碧霞天黃案春凝黼座前

大聖人修尊禮至

嗣皇帝緒

御名虔曰

恭曰

懿揚

慈範惟質惟文奉

寶篇更度金輿

躬拜進兩行冠佩引爐煙

甲寅

上恭閱加上

皇太后徽號

金冊

金寶於太和殿侍直恭紀

壽星南照日升東藹藹鴻儀正殿中金葉聯輝金篆古

冊文闕

德

寶文同九如

福履天爲厚萬國

徽音歲與隆欣際昌期

慈孝茂小臣據頌潔丹衷



甲寅恭上

皇太后徽號禮成

上御太和殿頒

恩詔於天下侍直恭紀

崇上

徽稱慶

慶辰鳳書錫爾普臣民一陽益益常旋泰萬福縣縣足蘊仁  
經訓雖聞人主孝古來未有我家春直從  
列廟思貽燕愛敬深加戴

紫宸

慈聖萬壽詩九章

謹序

聖人統御萬邦

孝治光昭嘉運丕應龍集辛巳十一月長至前一日恭遇  
聖母皇太后七十萬壽慶辰清寧協化鳳律効祉  
皇上至愛至敬稽典諏吉祇告

園丘

方澤

太廟

社稷恭奉

奏書恭進

金冊

金寶加上

崇慶慈宣康惠敦和裕壽純禧

皇太后

徽號曰

崇慶慈宣康惠敦和裕壽純禧恭懿

皇太后

恩詔普頒大譙

壽安宮

皇上躬舞

皇太后壽筵前率皇孫皇曾孫聯舞上

萬年觴

歡洽家庭爰自朝堂達郡國中外臣民咸歌舞祝

慈壽萬年仰惟

皇太后至聖誕育我

聖主鞏

列祖皇圖文德武功兼守創以光

前巍巍式廓天下大治實惟上承

懿教皆

皇太后鴻仁垂蔭所致

皇上建極綏猷兢兢業業至於今乾隆二十有六年統御中外萬邦以天下大治敬爲

皇太后壽

異旁孚祐申錫萬年實惟善慶崇隆皆

皇太后至德深培自裕之福基臣職被蒙

聖恩備員史職恭獻

慈聖萬壽詩九章拜手稽首謹上其詞曰

維

天篤我清鍾慶

聖母逮事

仁皇

孝德維茂

莫後切

久道之澤貽福膺壽昌懋昭

內治丕贊

憲皇

天隆構我家

誕育我

聖主今

孝治之敦光於

列祖

右第一章十二句

維

聖母德洽于宮闈逮事

仁憲

仁壽謁承

慈暉維德之益儉維德之益勤履享以恭基命以純思我  
列朝

母儀育

聖而壽育

聖而壽長受

聖子尊養維

皇太后

右第二章十三句

維

聖母德不贊

憲皇式六宮暨萬方化闡五常維居之以謙不受百祥

天命

聖子丕光宗社歲以尊崇

徽儀天下

右第三章十一句

聖母昭

祖訓不成

聖子修我政醇我治直爲天下君爲天下師乾乾惕若

用其中也以時今廿有六年

皇帝至聖

皇帝大仁孝維

皇太后德維

皇太后教

右第四章十三句

慈覆宮廷如天如春俾我

皇德決于族徧臣民

天

祖鑒焉百祥用申鴻祐

聖母

聖子鴻祐

聖子子孫曰維

慈德之茂以有萬年壽爲我清鴻祐



右第五章十二句

慈覆天下至于岱至于嵩載

臨江南景

祖烈于遼東歲

臨木蘭翼我

聖撫諸藩今歲復受釐清涼之山維

慈儀普臨超于隆古維

慈心丕單自天之下

後五切

右第六章十四句

慈心之仁綏文耆武辛未慶

慈壽而蜀疆旣我撫辛巳慶

慈壽而極西皆我土

天敬爲

慈壽用丕篤

皇祐維

天兆我貞符庚歲慶

聖壽辛歲慶

慈壽慶如輻輳嗣今慶與天齊萬福是茂

右第七章十四句

維

聖母德有

聖子孝治天下以承

歡萬福是名維

皇帝德奉

皇太后慈

宮廷怡怡偕天下熙熙我宇清寧中鞏我家維

慈

孝至德萬福是懷

戶花切

右第八章十二句

敷天之歡咸舞而頌由苑達城瑞如雲從初陽協慶貞以

元旋崇上

徽音大謫

壽安

皇帝躬舞奉

觴子孫臣工稽首

慈聖萬年維萬福是受

右第九章十二句

冬至

上大祀

天於

圜丘侍直恭紀

駕入燔柴仰

帝臨圓壇蒼壁微

居歆風翔廣漠環清氣舞協雲門會正音

三祖

二宗升配盛

神孫

聖子肅將深貞元適際開

慈慶受福彌歡小大心

以吾郡李翁琪枝蘭竹貼齋壁款云七十二人康

熙甲戌秋也賦之

後甲戌過七臘依然竹翠蘭芬寫山樓上殘墨宣武坊南夕  
曠節節枝枝嶰谷花花葉葉湘雲小庭積雪如許正憶溪園  
徑分

上祫祭

太廟陪祀恭紀

文廟創精禋

章皇定制遵

太宗文皇帝天聰三年卜建

太祖高皇帝山陵成自後歲之除

盛京立

太廟於星歲之

除夕祭

太廟

世祖章皇帝撫有天下立

太廟禮

該大禘說

京師猶仍除夕之祭至順治十六年始始即歲之小除定為大禘日元禮該大禘說

聖祖仁皇帝朝監察御史李時謙疏請舉行禘禮下九卿詹事科道會議禮部尚書張玉

書等議今

太廟四孟分祭於

前殿

後殿以各伸其尊歲暮祫享

於前殿以同將其敬一歲之中自

升祫獻仁孝誠敬已無不極五年一禘之祭不必舉行從之

歲舉小除辰酒醴

維皆合生存在必親咸來瞻

至孝罄折逮微臣



擇石齋詩集卷第二十四

秀水錢載坤

壬午

元日

上詣

慈寧門率諸王公大臣行慶賀禮侍直恭紀

宸極三元正

徽儀八秩開  
鋪鐘春氣入  
爆竹好聲來

躬拜依

長慶翹瞻謁上台  
靈花頌澄景萬福集  
南陔

齋宿同梁少詹錫璵

少尹勤所省直坊勉所訓于今實備官竊祿際嘉運孟春吉



斯卜

時享

太廟子孟春則

三日齋厥分專致庶精明北廊適相

近讀易對介山薦書採令聞益之在遷改損之惟愆忿雪庭

廣有陰天月纖無暈啜茗領清言更籌莫頻問

上新穀於

祈年殿陪祀恭紀

七日維辛丑崇隆

大亨將

帝臨春穆穆

祖配瑞穰穰星向燔牲麗風如啓蟄昌降甘誠既格田峻荷

時康

題周編修遺像

脫帽披襟迴立尊可如官本致同論當初直與嗟桑扈對此

寧須引虎賁泉壤弟兄嘗語笑

君毅于癸酉十年矣君兄松

京華子

妖數

入聲

過存冬寒又報夫人逝早種梅花築墓門

左都御史金先生輓詞二首

贅婿來同郡論交倚至情師於睦侍御晚列小門生

先生爲家王申鄉試

本房睦公辛酉江南座主際

聖儒風古超塵道骨清詩篇黃魯直著處見攄誠

曉雪春纔轉西齋化已俄前身誠有自後死乃如何篋在尋

觀蹟庭空佇撫柯兩行知已淚不及蔣生多

蔣編修士銓爲先生丙寅督學西江所識士

飲趙侍御佐齋歸畫梅以謝

閒坊僦屋又新遷冷語圍爐亦好緣鄉夢枝南甚枝北酒人

燈後續燈前仲文且教一杯對

錢山路見梅詩重憶江南酒何因把一盃

子固翻看三

萼傳何必西溪溪最曲相攜畫檻進篷船

蔣侍御和寧招飲先畫墨花以送

丞相胡術近卜居春盤歲爲潔庖廚花游政要更番會墨戲  
安辭卽次圖惱我風前繡衫襖笑人燈下雪髭鬚任教漏鼓  
夔夔報堅坐還能聲百觚

國子監古槐歌

腰可十圍朽立危心空頂禿半去皮皮所僅畱側綴枝一枝  
盈把一枝拱如石鱗迸高歲蕤紀在

慈寧六十大慶歲

御製五言八韻詩叙曰當辛未末一枝再茁之初適  
慈寧八旬萬壽之歲今監臣勸石西講堂盛壽考作

人逢盛際辟雖瑞應枯再榮元氣幹迴孚

上帝只今

春暉八秩開轉益青條蔭西砌藝倫堂卽崇文閣遙想根蟠  
始爰託昨者重修學舍奚翅三十區愛茲博士廳邊夏張幕  
琉球官生祗見翁鬱晦藹生意多

琉球國奏遣其秀士入監以敬  
一亭西廂爲舍居之別設教習

不知

前十餘年我見曾婆娑讀碑撫樹占好春以陪祭入丁卯辰  
社稷壇雙樹歌

曉趨

闕右陪祀

壇禮畢巽隅觀古樹一株空腔鐵立短不仆於鐵叢生十百  
榦森布一株三尺一折兩折倒地枯折入深土旋作品字三  
根癯第三根活昂首重扶疎折折仰裂半乃膚株雙種一梢  
曲直嘉實西羌寨所得其樹俗名核桃朝衣手攬匝繞之春風自吹晝  
者誰敬之敬之神扶持

尋春同家侍讀大昕三首

經隆禧廢寺至弘善寺憩靜觀堂

永定門前駕蹇驢東臯村午已春舒蘆芽欲見溪園處柰子  
猶思雪壓初賦寫青藤陳太守畫存白鶴禹鴻臚西齋題句

休棖觸短髮勝簪且笑余

堂東壁康熙戊子陳奕禧書徐渭畫鶴臥西壁禹之鼎畫雙鶴老松蕉石齋壁二十三王子號桂峯

看海棠詩十首其一云花花葉葉慙良辰燕燕鶯鶯惜暮春記取醉觀堂上飲朱顏相開白頭人

登法藏寺無量諸佛傳燈寶塔

得偕閑侶趁閒尋樹色煙光總繫心  
徑曲又投前代刹  
拾空曾費內官金  
晴開千里黃岡大  
作擁霄紫極深  
那不上頭名字署  
朝鮮生亦解登臨

拾上層石高麗入監官生題名

過金魚池

僕人知意緩車行  
歸路春聲接市聲  
幾姓屋低遮柳冷  
數窪冰淺抱堤橫  
瑤池忽恍金朝廢  
錦繡從容碧浪生  
館近底須賒酒飲  
奎章閣老太多情

題齋壁

近務營雖寡前修讓已多  
我冠韓子客廣廈杜陵歌  
春仲雪

含凍晚來風展和琴書且端坐理屐未蹉跎

題金員外肅小影卽送假歸太倉

尋壑復經邱歸歟豈臥遊漫爲齊祭酒行卜魯菟裘鄰里昇  
園廢軒窻翠竹稠同年吾雪鬢憶爾幾沙鷗

尋春復同家侍讀大昕三首

長椿寺

城西偕訪乍西偏見寺停車不爲禪金塔莊嚴丹閣靜水齋  
澹泊翠珉堅雙槐交葉多春雨一衲安單自午煙鄰宅已無  
馮相國佳山堂上幾吟筵

馮益都郎  
舊在寺左

善果寺

丁香花記唐安寺十五年來忽重遊客面也如僧面老春光  
還共佛光浮循文點點殘碑誤踏影摩訶古柏遮開講小師

何復爾趙州原說喫茶休

歸義廢寺

風吹沙土未春蘇隔堞高株望轉枯宣化坊來官騎二一彌陀邑一起院碑

一文有咸維元年賣地於云今賣在京宣化坊門裏面街西小巷子內空閒地有井一眼未東鄰人南鄰人西北鄰人蓋今白紙坊遺宣化坊也井尚存

會同年

仆佛幢孤

陀羅尼幢記一末云會同九祀是遠太宗時物

碑陰大段名銜在記彌陀邑衆姓名券尾諸

般像供無

契後字可斷續錄者硬幢九壇軟幢四壇十二面觀音一又經法隨部竹帙手帛帶全供具鐵曼陀羅火籠子一對銅鍤銘燭臺各一

笑

向鄰人作檀越畱詩可勝刹竿扶

朝日壇陪祀畢謁東嶽廟

東望滄溟拜曉曦碧霄春盛布綢繆陽光實荷離明煦生氣

常占泰時蕃脫活塑傳劉正奉宗師碑牘趙王孫韓處集趙世延所書一碑不得

迎鑾今歲神多喜應贊鴻施遍魯原

畫柳枝送蔡修撰以臺歸觀

南宮第一狀頭仍僂指吾未得未曾堂上老人顏其喜里中  
陰德後方興暫辭曉日螭坳直迴向春風鷁首乘等是長條  
攀最好三千驛路別情勝

乍暖

歲閏春禁冷朝晴月破三日烘簾額快風解硯池諳市擔將  
研酪家園早浴蠶庭前撒花子寸土自鋤堪

歷代帝王廟陪祀有賦

阜城門近鬱清光

景德義我寶殿蒼傳道心推均創守解

祠義擴徧馨香

聖祖仁皇帝康熙六十年六十一

世宗憲皇帝登極未改元即從廷議諡吉

增定歷

祀

御製碑曰舊崇祀帝王二十一位今增一百四十三位從祀功臣三千九人今

增四十人我皇上乾隆元年七月

詔追諡明建文皇帝曰恭閔惠皇帝九月

以明恭閔惠皇帝入

大猷列庶大工賴春火中庭曉氣翔葺構只

今趨將作

祀

歷代帝王廟



親行還見翊文昌

慈仁寺禮慈觀音敬瞻

御詩書畫

并序

乾隆丙子奉

勅修寺迎像入

內製龕

上畫竹石小幅書題寺詩于上方貼龕中座後又七言聯貼龕門裏向又刻

御識於龕前下方送還寺以虔供

寶龕深啓寶雲流無量莊嚴院已修金粟藏經牋竝寫如來我

佛語長畱數竿慈竹春陰靜片石靈山筆力迺大士只今應證得楊枝露向

聖人酬

上巳二首

孫主事夢遠夏進士蘇約遊陶然亭適金詹事  
姓亦至遂同遊法源寺

對門招我祇茲辰近黑龍潭水意春圃後佛幢纔剔蘚遠佛頂尊勝陀

羅尼幢壽昌五年立林陽宮相也停輪畫欄北淀惺忪雨書簾西冷寂寞

塵詹事說介師海淀寓園棠花昨歲盛開又道倪廣文濤錢唐人遺書未刻共向石壇聊啜茗僧來不問采

師倫

過翁編修方綱偕訪聖安崇效二寺

更叩齋扉趣駕便夷湖笑指柳村煙伽藍記當名園讀曲水  
杯須今日傳擣杵此方還造紙栽蔬鄰叟自澆泉餘情豈爲  
唐貞觀一抹斜暉亂塢邊

先農壇陪祀有賦

鵠立天門候禮行  
宗潢肅進瓣香清  
絳雲幄敞初陽照  
翠靄林周細草生  
恤穀藉田惟告稔  
扶犁京尹便催耕  
鑾輿正問東南俗  
麥隴桑畦遍

聖情

獨遊四首

陸地春如海  
隨心問五坊  
獨吟須繫馬  
何處有垂楊  
望月槐樓近  
披煙柳巷空  
梁家園裏水  
不照牡丹紅  
未賣龍鬚菜  
長街聽曼聲  
桃花新酢好  
亦是細孃情  
東便門西路  
芳菲總不開  
客思蘭漿打  
濠瀉玉泉來

寒食六韻

漸老惜寒食  
因之懷故山  
樓牕東海曲  
松樹北湖灣  
上塚雨

飄翠通鄰花放殷峯陰  
刷筍去籬腳采茶還地是  
先人愛春常好夢關他  
年繭窩築未必卽緣慳

右安門外踏青

麥苗菜甲遶村栽楊柳  
初黃葉未開惆悵城西南  
路熟百年中又一回來

保定陳節婦

于歸十改月之死四經  
霜年乍三旬及貧真百  
苦嘗有姑今失婦無子  
孰號孀尙限旌門例題  
詩重可傷

城西春遊四首

春人相喚擊都籃又叩  
隋家七寶函綠動廣寧  
門外柳不勝煙露憶江  
南

太極宮深鵲語磨半庭  
雲氣石欄凭開花結子  
匆匆事合傍

瑤臺第幾層

修林矮屋翠連畦趁得山光一帶西指點玉鉤斜近在忍寒

偏不放棠梨

慈惠寺相去  
卽明宮人斜

戒壇開未問金仙墀祭稀來郭有煙約略杏花紅到白便翻  
沙土種新田

同邵編修嗣宗秦學士大士翁中允方綱秦吉士

承恩過法源寺看海棠有感壬申癸酉舊遊卻次

諸贊善錦壬申韻

青天一握高覆花上元嘗共王母瓜幔亭宴罷各何似蝴蝶  
枝閒宿猶爾暮柳年年疾風節刻石不刻許昌薛如來坐臥  
我經行紫縣色亦休區別相攀且復相和南短髮屢欹冠與  
簪儻逢平子笑絕倒綠卮未向斜陽酣新者諸人舊者樹獨

我舊人見人去住僧偏艷佛前春過客難真花下句水遠山  
長餘夢在鶯飛燕語繁紅度齊奴步障底須誇片段慈雲淺  
深護只今豈愛昌州香松陰還指穠桃光欄干寂歷繡旂動  
纖雨黃昏煞可量若問東鄰謝家畫脂痕數朶重迴腸

後西遊  
集

花一幅同人寫詩其上  
留寺東謝編修齋

### 集邵編修養餘齋詠白丁香花禁體

簇得春心未放歸柔枝小朶太菲菲恰於淡沲葳蕤暖翻以  
青蔥的皪肥靜院風迴沐蘭澤空階露立粲靈妃天光低亞  
陰還碎可有中間蛺蝶飛

### 端範堂齋宿對丁香花

春寒驟暖驟多花枳棘芟來樹轉嘉向夜清齋安簟竹就香  
深坐拓窻紗爐煙裊裊頻疎密鈎月纖纖半整斜古井牆陰

甘可汲雲腴一瓊試新芽

陶郎中其憐移居招飲海棠花下分韻得氣字

乍陰倏乍霽甚惜清明既輕暖復輕寒猶疑穀雨未好風吹  
此花恰得晚春氣艷不假扶將穠能自矜貴質屋全爲伊俸  
錢肯辭費近遊少名園且用壓姚魏白玉碗躊躇碧雞坊髻  
髯醉須插帽歸手拗一枝乞

觀褚中令臨蘭亭序第十九本墨蹟

記來枯樹賦相同逸態橫生駘宕中誰是鑒書元博士色綾  
重認洛陽宮

盧孝子詩

寧都盧氏子未冠病失明父旣官于朝隨母乃至京身長平  
不離母戀母猶孩嬰三年使歸娶強使登車行淚落牽母衣

母亦難爲聲明年戊寅秋母病壽不延庚寅十月之七日父  
書返山城爬地爪出血一哭不欲生數日強食粥必自炊其  
鏹模糊兩眼淚宛轉粥鏹間畢和切哀哀至正月夜夜達五更  
其日爲十一隨母于黃泉徐盈切九十有五竟死傷人情二  
十有四歲立沅乃其名

### 游貞女詩

臨川游氏女十六張子殤臨俗殤子殤聘女附衣裳張來女  
家取父母持以將其日中堂中有大蝴蝶翔顏色了可異鼓  
翅繞柱梁女時伸掌立如其爲張郎集我掌中間立祝默無  
聲切羊翺翺卻且前三集掌中央女日遂不食父母日徬徨  
急之乃喟答願奠殯所觴許之乃起食食已服如常登輿乃  
變服出郭號聲長眼口鼻皆血滴滴于殯旁兄弟勸之還剪



刀落懷中切良我死復何之其日遂如張張家聞突來哭迎  
于室堂從容拜舅姑奉主禮自行父母念之哭知此不可更  
居良年年復日日女貞獨支當舅歿所嗣殤養姑不倉皇紡  
車力有蓄置造備後喪小叔私鬻去復置何復商姑歿更無  
依父母況已亡兄弟勸之歸仰面看滄浪我今不如死豈難  
免周章其時四十餘今又三十霜乾隆歲庚午朝命爲建  
坊給金下其家祇領告墓堂以修舅姑墓夫墓添土黃族人  
乃率錢建坊于康莊

迎

駕涿州過良鄉縣南弘恩寺

曉靄霏霏萬善橋周遮夏樹接青條深開別館金鋪掃靜迤  
回鑾玉膳調乍讀碑文知舊店尙藏經卷自前朝古香

齋墨瞻三相迴出吳裝筆法超

寺殿供 御書如來  
普賢文殊相石刻拓本

宿王瓜塍農舍

官路淖如何西巒雨方晚同行忽我先悵望不知遠  
草屋取徑投農人自田返喚婦出茶湯點燈照門  
鍵問答祇數言蕭然見歉懇充腸餽飫堪何必具  
餐飯夜冷起驢鳴隙風來宛宛布衾相借覆土炕  
獨休偃

埋白驢

驢氏巾箱若車驅六歲適力殫梅雨候坎拖麥風  
秋豈曰貧無益誠如首正邱火光元可衣別是滑  
稽優

韓石齋詩集卷二十四

蘊石齋詩集卷第二十五

秀水錢載坤一

閏端午

萬古椎心日堂萱午節摧那堪逢閏又況是哭孫來

前五月二十九日

夏至孫善元七齡天

對雨腸千結呼旻奠一杯萬蒲自言好爲我莫爭開

王五秋曹三月初二日歿於里閭五月初八日爲

位法源寺如意寮而哭之

高閣東偏此道場憶年與君吟海棠棠今葉青濯雨涼檐交

飛瀑珠濺廊枕有佳茗爐有香香隨我心達君堂少

去聲弱

多疾憂天亡歲五十七已壽康蓬萊獻賦才稍彰終養太公

甫居喪以衰絰殮淚在眶母殯三十三秋霜卜壤卜壤并柳

將我昨書示君兩郎考妣中兆君耐旁用慰君孝母彷徨君

之窮交僉曰襄足徵君行於平生

師莊切

僧廚供齋無一觴亦

非悲力仗空王

繡旛寶蓋風微颺末念遊翺覲舊朋

蒲光切若

朱明府陳明經

居良切

施南司馬徵君張徵君萬暨孝廉汪聊

可娛兮未渠央遺草必出緩所商凡曾說者詎敢忘

晚飯哭

善元

二首

對案窺斜景行行淚滿揮此時來我揖迎汝學堂歸  
肉味同嘉果何曾手與憐妄心求後福翻悔似慳錢

重哭王五秋曹

君家坊西我坊東中夾羅城浜倚岸南北通君就塾竝水南  
我就塾竝水北日未相呼日相識豈意相交過半百浩歌今  
尚同心迹君兄我弟不好書兩家父母視君與我兄弟如兄  
弟師友樂且餘我嘗七日病方已君亦七日病方已菊花門

巷相料理我醉君亦醉君貧我更貧貧以文章見本性醉憑  
天地爲陽春精華漸銷難結束暮景相連登小錄功名縱使  
讓古賢嗜好終須別流俗甲戌之秋我歸葬甲戌之冬君歸  
養羨君上壽封公八秩躋祿不逮親我獨悽青山青山杵力  
齊築壙築壙霜雲低鵲鵲叫寒食雨君來草堂語苦語疎蕪  
先壠清泰橋母厝別村猶淺土其月吳棹買其夏韓江行其  
秋在金陵其冬我還京已矣而个忍相負佳城佳城高起阜  
他日松根踞澆酒二年輪君長我差不得哭我蒙君詩前身  
後身果若輪迴之何必就塾逢有時

座主佟公輓詞四首

素業元勲齋清風外戚門身猶依 禁籞歲屢從邊垣古句  
陶韋倣真書趙董論斜暉方下直獨樹自開軒

簡在

先皇早

恩霑

聖主多寅清咨典禮喜起拜賡歌經筵壁奎朗公門桃李羅

豈惟熊孝感盛事欲兼過

公四爲會試總裁兩主順天鄉試  
一主江南鄉試一主浙江鄉試

講幄承

皇子詞林式衆仙

帝巡河海日臣扈雨暘天伏枕醫來亟

去吏切

乘舟

命返遄

葵心終報國屬纊尙纏綿

都統蒙加秩朱棺許入城

賜金資大事權厝傍先塋壽母

難悲苦孤兒未長成感恩求所慰號慟徹門生

寄善元

櫟于南窪僧屋過而撫之雜寫五首

不知汝病起我務日偶忙及爲汝請醫我又不知方平時隱  
然恐恐汝日就尫欲屬汝母待汝健母卽督汝入書堂其夜

四更汝母叫我與祖母起倉皇急中聞汝大呼母及至見汝絕在牀旣甦復絕甦轉眩天黑急請醫誰良我貧汝父出授讀呼汝父歸天未明

談郎切

門生蔣翰林急汝送醫氏盡日相援搓於勢半可止黃昏與母說燈火兒不喜厥明我稍安豈謂終難理我心車輪旋出入雙腳凝洎乎三晝夜守汝看不已雨風夜更長呻吟痛在耳模糊時一呼汝母我四人者淚如水

常時見汝好敬父而愛母動輒告母知歸房歡笑走懷果必與母歡走惟恐後母時或鞭扑勸母哭且受我常與祖母讚歎羨新婦孝順得是兒新婦福應厚日前汝來問我字我曰此字當讀某汝疑恐我錯謂母教則否卻走告母乃改之依依成誦在牕牖



念汝生於家四歲拜我于京師昨春始上學秋病冬愈顏華  
滋念我方七歲我父京師遊我母教我里塾素衣梯上章  
家樓日中腹乍飢母已遣僮挈米湯伴以棗或常粉餌熱師  
曰爾甫失生母賢母力貧鞠汝切讀書報母當若何我聞且  
食且哽咽昊天之德養不逮教子塾行如我輟今春汝七歲  
孫公對門居攜汝數步往就塾猶勝我昔百步餘晚飯歸我  
揖迎汝嘗憶我母憐咨嗟此景宛此歲舉家不知獨愴然今  
非向汝說我實負母重自鞭

汝牽母懷去諒汝非我孫汝母不能不汝哭使我想汝孤棲  
魂我貧無一物祇有骨月人遭譴忽奪我之人傷我枝則培  
我根連宵雨風冷獨息佛堂塵卽秋覓南船附汝還江邨迢  
遙驛程忍汝獨不得不爾夫何言

善元小衣

見汝常規矩勝衣獨往來  
領圍紅淺擁帶束翠低開微汗熏  
猶染清軀塑或迴如何不燒卻卷疊使心哀

晴

江外黃梅信北來  
殢不休虔祈屢豐兆早切  
至尊憂青見天檐角喜聞鵲樹頭  
恭惟陽德母晚壠麥催秋

和許宣平菴壁韻

不須遊五岳但選一峯顛  
臥月雲鋪石澆花竹引泉西湖鳩  
杖底東海蟻尊前笑向家人謝  
焉能畢我年

哀善元

獨自去何所曾聞歸有期  
雨風聲盡泣燈火影昏思笑捧書  
囊地驚銜藥碗時來生孰相鞠病  
或莫求醫

種草花作

不出兼旬廢應酬放歌一室當遨遊自知小病元非病人道  
長愁始欲愁壁上好山真面目欄前芳草富春秋從來落落  
天堪信何取沾沾食是謀

述懷

寶澤堂高燬不存百年尙亦有田園馮宜人產垂今後侍御

公支遠獨蕃

先戶部巨源公行五孝廉魯南公子未第海石公孫是爲我支祖元配馮宜人太常弟子太參諱畢諱玄子四長高祖侍御卒于公今析居郡

城內外者皆侍御下諸孫次從祖下則俱之傳嗣矣寶澤堂者戶部授侍御之宅

生漸飢寒徒自廢心難孝義亟

相敦衰顏媿向兒曹說夙夜將何保舊門

曉課

雷電奔空雨徹更燈缸欲盡夢難成有何許事關君事無奈  
勞生聽我生早看砌花紛偃仄元聞庭樹太縱橫扶持政賴

閉中力奮鍾寧志迫所營

蔣編修士銓畫左都御史金先生像以藏竝記下

方永示其後而屬題詩

匪直恩門感倍饒師承夙實受規條摯虞禮自心喪議宋玉  
魂終像設招香火託存生卒具子孫留展歲時遙我今十八  
旬纔隔仰觀淒然憶性標

先生卒于正月十一日  
藏以六月十一日題

不寐

開幌擁衾裯攬衣何所求極天風送雨浹月夏成秋書可隨  
身徙牆難趁隙修呼晴如有術在樹願爲鳩

早起

早起勘書開我堂門中村意滿秋芳葫蘆垂架露花白蛺蝶  
遶睡風影涼江水斗升都定分郭田餐鬻竟何嘗職閑稟重

陪東觀慙媿優游食太倉

戴儀部文燈齋飲沈存周錫斗作歌

蠟花搖搖客半醉重爲主人拈舊器吾州薄技近已無可憐

流轉還供士女娛張銅爐黃錫壺匏尊王周銀盃朱張鳴岐黃元吉王太

模周北山朱碧山俱嘉興元明以來各名其所工者後來沈老亦煎錫粉合茶廬常接覲只如

此斗方口酌酒多環鑄杜甫飲中八仙歌我今一斗三斗五

斗過欲放未放愁摩挲款記康熙歲戊戌是歲僕齡纔十一

鬢絲迴憶春波橋沈老門前綠楊密

觀董吉士元度所攜畫竹卷

從君觀畫叩寓齋展一卷映清秋佳案頭寒具屏所置段段

銘心錄其自東坡枯木叢篠怪石圖大德五年徐琰還三衢

八月瀕行乞示鮮于樞伯機跋所云徐琰紹興內府前用乾卦印杭

士王井西本應無殊至正乙未謹識此伯顏不花蒼巖氏舊  
藏蘇墨已足豪又得文湖州一紙一梢鸞尾風倒吹幅小尺  
量與蘇似非幻道者先對臨也吹一梢出春林始憐熙寧已  
西偶爾筆隔二百年神交深柯夢仲臨文本題云熙寧已西湖州筆合裝二妙成一  
珎柯蹟隨之秀相擢遂令鄱陽周伯溫題向蒼巖監郡情縣  
邈周詩五言古七韻元谷道人王彥貞雙竿縱寫濃葉逾縱橫斷句一  
首竝贊坡老可翁丹邱生濟南邢侗鑒定精久歸於董今乃  
攜來京君方謁選將出宰早有清風滿懷在清風在君君之  
官我詩畱當畫記看

哭善元轡南

幼小已忘鄉所在行行飢寒恩孰逮迢迢去汝祖父母去汝  
父母叔姊妹秋風秋風穩吹帆運河運河盼青杉家來路同

返先獨將掩于山汝莫哭

小南城

復辟追懷夜半聲居人爲指哭隅行雨風見有高塘壞瓜菜  
開嘗隙地生橋入秀巖巖幾疊水環圓殿殿何名尙非司馬  
前勞在焉得呼卿不失卿

皇史宬

鑄歷門旁啓秋晴轂乍停

五朝尊簡冊萬禩翊神靈石室雲涵紫瑰階草積青敬襄螭  
右職

繩武訓爲經

邵編修招同年飲養餘齋分賦二首

秋宇寥寥坐有聲筠簾深對石庭清合歡萱草疎枝葉且乞

先生論養生

明河絡角露初溥可欠商量蟋蟀寒射覆設嚴觥錄事也勝紅袖拂毼盤

詹事府晚步

庭柏身何瘦塔苔跡自蒼望中金闕迴雨後玉河涼隸少塵

聲靜官閒古意長不因碑額在誰復指春坊詹事堂左有碑於徑出入者坐臥石滑如枯惟

額字大猶可識明左春坊題名也

題王中丞恕瑟齋圖遺像

五十師遽瑗磋磨誦武公李銘黃記在中丞座主李臨川寄以銘同年黃中九席堂為之記夜

寐風興中江國遺民老巴山落照空長安值賢子有裴覓家

風

觀前蜀王鉞書妙法蓮華經殘葉



顧君先得信解品第四鄭君後得卷第一奇零數葉各傲余  
前蜀時人王錯筆潼川寺名琴泉紺塢圯丙寅年塢中出經  
僧燬半識者攬寶今流傳鄭云別卷署尾次硃書武成三年  
字君官蓬溪曾拾塢甌無獨此歸與顧篋相嬉娛顧君得之  
合州牧出較鄭本轉清熟鱸祥字錯是年已平章嘗寫藏經工  
且速白藤擔子晨趨朝兀兀於中勤自鈔唐末衣冠多避蜀  
遺風文物猶膠膠可憐乾德匆匆了蒲禹卿言執政藐此筆  
青蓮華奈何李巖入來草降表青城山終古青琴泉塢無一  
鈴孟家卻有母昭裔舊本成都仿石經

弘仁寺同博爾濟特中允博明

太液池西叩如來佛共瞻

康熙四年十月遷慈峯寺栴檀像于此

優填形慕戀叨利

付端巖碧柳回廳響斜陽白塢尖入雲樓十二香氣擁層檐

後樓曰  
雲階

觀唐貞觀淤泥寺心經石幢於鷺峯寺

委巷不鳴鐘淤泥卽鷺峯經畱貝多語筆辨率更蹤迴堞雲  
陰晚寒階柏翠濃何年置銅像亦弗髣髴鬆

高麗營農舍與吳學士閒夜話

山外寒山雪日邊秋日花寒威遲棧軫暝色靜田家夢似依  
丹壑朝將迓翠華紛綸及經說已作後棲鴉

觀顧阿瑛畫罌粟

園林新綠已遮檐想近闌干又近簾不是錦袍翻舞隊寶璣

珞現佛莊嚴

阿瑛白題詞云春事將闌紅凝綠滿藏深谷然啼禽未消受清  
閒福靜捲珠簾五色芬芳簇看罌粟可誰移玉斲絕闌干曲

宋編修弼屬畫秋葵

春來乞種宋家分秋院朝開飲夕曛  
采采黃金風動側叢叢

碧玉露垂紛態含漫傳趙昌色心向彌綯曹植文遣報高齋

作清供素交差以結殷勤

蘇文忠題趙昌黃荊云真態含陰陽古詩採葵莫傷根傷根葵不生結交莫羨貧貧交不成

送施編修培應乞養還昆明

厥初見子來儀度何雍容授經仍取給登瀛既五冬世賢岐  
不一蹇蹇弗與從語常念雙親老健待所其辛已介

慈壽推恩奉鸞封壬午典晉闈復命趨陞重仰承

上問周天霽春爲濃畢事卽請歸院長難畱蹤綽然家國身  
造物意有鍾一力擔囊隨一車背寒衝滇池雖無雪山隔望  
已顛年皆近八十出入相扶筇一日拜於堂非徒桑梓恭吾  
人安及此始信庸德庸

雪夜端範堂齋宿

夫子廟趨右一陽爻動初攬衣心與空聽漏夢爲虛

大駕羣靈俟

園壇上瑞書歲功行可祝民氣樂先舒

冬至

上大祀

天於

園丘陪祀恭紀

霧歛迴含光歌陳近燦芳報天臨

上帝迎氣發青陽

五世德功配三垓

仁孝將獻誠肇禋頌祈福萬年長

蘇文忠公墨貓歌

畫於元豐四年六月九日自題云相傳危危日畫也又蘇竹初客

揚世昌題云東坡居士向曾見其墨貓今又見其畫貓豈唐人有一生作詩乃得力於貓狗耶

黑睛如線日正午瞥見青蛙口欲取前脚撲地尾倒豎班班者紋食餽虎曰磔穴蟲疇怨咨驕驕驥實遜之畫方占日

逢危危此吉彼凶非假威是時黃州歲安置築室東坡號居

士切其春獲鑑周尺二其月畫渠渠未醉道人子正新釀

香洞簫吹微倩相半楊世昌公所謂西蜀道人也適以宿酒歌正在此時燕即明年壬戌亦隨吹洞簫者吳宛菴詩云西飛孤鶴記何詳

亦畫短喙耳則長不吠不捕吠捕良公上書論新法有云

儻欲得力徵平生師莊嬉笑怒

罵皆文章平生投謝公卿不意得力于貓兒狗我今玉叉挂書堂銀燈

靜照毋跳梁

上御太和殿受朝侍直恭紀

和藹陽生月光華日出天 鑾儀象惟備樂部德相宣九叩

分班肅諸王上殿虔賜茶還坐飲臣亦後羣仙

范侍御棧士紀侍御復亨邵編修嗣宗秦學士大

士戴儀部文燈秦編修費過飲

新釀聖賢開寒燈且照顏海疆學士與使節開試歸江表各家山共  
學身嫌老同朝職忝閑憑伊更鼓再深坐但畱關

和張給諫馨編修寒齋三詠

盆梅

蔭此寒苔色盛將定武盜剪多真老幹紮久半橫枝書屋避  
風處紙窗延月時孤根蟠最得卻愛著花遲

水仙

清氣發銀蒜神光流玉葩翛然雪以後不語江之涯廟憶杭  
州在圖逢趙氏賒素琴何用操已可息箏琶

木瓜

素柰葉差近紅棠花較多登盤偏不食合釀正當歌木瓜酒出揚州

益投先及齊桓美若何枕函香入靜還更配蘋婆

立春日同范侍御紀侍御邵編修秦學士秦編修

集戴儀部齋

京尹與禮臣九天曉進春右史上

瑤冊告藏及令辰

乾隆辛巳起居注冊適以今旦

奏成

從容出東華日暖街無塵

笑聲過列肆歲事觀吾人

戴公宿灑掃遂使停雙輪

且虛唐

花對早有生菜陳廟堂作雅頌郊極畜鳳麟尚參蛾眉直祇

益斑鬢新維蓬亦望麻維蘭亦患榛君子雖曰德覽緒省厥

因落月已在屋鳴雞方嚮晨留連徒醉止曷以稱嘉賓

秋瓜紋潔硯歌爲姚員外晉錫賦

綠玉不琢體自然鏡光開面崖立邊面紋有瓜瓜臥田兩葉

黃爛帶脫偏只無屈曲鬢蔓纏員外識是潞溪石九溪之潞  
山沁碧類於端溪聞在昔吳琚進御棄可惜詎意寒廳供此  
席我來試硯發我歌欲食奈爾秋瓜何



癸巳齋詩集卷二十五